

اسلام گنج

معارف : « دینی برقیات ، حیاتی برقیات » در

میل ۱ - ص ۹ ۱۰ رجب ۱۳۳۲
۲۲ مایس ۱۳۳۰ مدیری : حلیم ثابت

اسلامیاتی

اسلامده اعتقاد

لورد هیدای . نیچون مسلمان اولیم .

انکلتزه اعیان و اشراقدن اولوب لوردلر قاماراسی اعضاسندن (لورد هیدای) ک شرف اسلامیتله مشرف اولسی اوزرینه اوروپاده اسلامیت ایچون یکی و اتیسی پارلاق بر دوره اچیلش اسلامیتک علوی حقده یکی فکرلر حاصل اولمغه باشلامشدر .

لورد هیدای - کندی بیاناتنه کوره - یکریمی سنه دن برو اسلامیتی خصوصی بر صورتده کندی کندیته تدقیق و تتبع ایده رک ، دیانت اسلامیه عائد بالجه آثار جلیله ، احادیث نبویه ، قرآن مجیدی دفعاتله اوقومش ، کوزدن کچیرمشیدی . بو قدر اهده اکتفا ایتمین فاضل مشار الیه الکضو کرا لسان عربی بی سنه لرحه تحصیله قویولوب اکمالنه موفق اولدیغی متعاقب یکیدن تدقیق و تعمیقانده بولنه رق ، آرادینگی شیئی بالآخره بولمشدر . لوردک اوغرادینگی مشاکل وغوامضی ، اوراده اسلامیتی نشر و تعمیمه صرف مساعی ایدن وباشلیجه Islamic Review مجموعه شهریه سی بومقصد ایچون چیقارمقده دوام ایدر هند علمای بنامندن (خواجه کمال الدین) اقدی حضرتلری معقول و منقولات ایله فن و حکمتله حل و فصله یاردم و معاونت ایله رک ، لوردک تبعاتی ، تعقیباتی بوصورتله تزیین و نقطه نظری دهها زیاده تنویره خدمت ایتدیکندن ، اک صوکر ا بوسنه لورد مشار الیه اسلامیتی اعتناق ایتدیکنی علناً اعلان ایلشیدی .

لورد هیدای ، انکلتزه نیک اک قدیم واک اصل خاندانندن بولوندیغی جهته مسلمان اولسی کیفیت کیک انکلتزه نیک و کرک اوروپا محافل سیاسی و دینی سنده بویوک بر تاثیر اجرا ایلش و اوروپا مطبوعاتی بو آنه قدر اشغال ایلکه سبب

تشکیل ایشدر . لوردك بو حرکت اخیر سی - اسلام اولسی - بر جوق قیل
وقالی ، اعتراضاتی موجب اولدیغدن ، هر طرفدن یاغدیریان بالجمله سهام تعریضاته
جواب اولق اوزره لورد هیله ی قارده شمزده صوک سوزنی و یچون اسلامیتی
قبول واعتناق ایله یکنی مفصل بر مقاله ایله کندی امضاسی تحته تشره مجبور
اولشدر . بزده مذکور مقاله نی عیناً ترجمه ایتمکی مناسب کوردک .

لورد حضرتلری شویله جه سوزه ایتدار ایدرک : - « آباء واجداد مک
دیانت قدیمه سی - خرسیتیانلی - بزدن بزه ترکه اوروپالیلر عتدده ای بر نظره
یا قلمیان اسلامیتی قبول ایتمککم اوزرینه ، هر کسک - و خصوصیه بی یا قیددن
طایانلرک - نظردقتی جلب ایتمش ایشم که ، تکاثر آمیزانه مکتوبلر ، رساله لر ،
انکلترونک ، آوروپانک هر طرفدن توارد ایتمک باشلادی . بکا قارشى وقوع
بولان اعتراضک ، صرف سائقه عصیت وجهالتدن ایلری کلدیکنی کلامقده ،
درک ایتمکده تردد ایتمدم . بکا یکی هدایت وموققیم حقده لوم وطعنم
بولونانلرک متین ، ثابت ، جدی کیمسه لرا اولدقلری بیلیوردم . چونکه اشخاص
مذکور ، خرسیتیانلق نامی آلتده اخلاقیاته صیغمر ، وجدانیاته اویمز ، دینا
وعقلاً حرام ومکروه اولان بالجمله شایع وقضایى همان هر کون ارتکاب ایتدکلری
وبوندن وجدانلرینک ذره قدر متأثر اولدیغنی کندیلریله تماسده بولوندیغ زمان
کوزمه کورییوردم .

اوساخته خرسیتیانلر ، قدر دنیاده کور کورینه متعصب هیچ بر مسلمان تصور
ایتم . ذاتاً بن هرشیدن مستغنی وهیچ بر شیئه احتیاج اولدیغنی حالده ، خالصاً
مخلصاً لله ، دیانت مقدسه اسلامیه ایله تشرق ایتمدم . یکر می سنهک تبعام
نتیجه سنده اسلامیتک حقیقی وصاغلام بر دیانت میجه اولدیغنی احکام وقانونلریله ،
دلیل وبرهانیله ، معقول ومنقولیه اوکرندم . عقل وحکمت ، فن وفلسفه
تمامیه موافق ومطابق اولان بودیانت مکمله نک جناب حق طرفدن ، فخر
کائنات حضرتلری واسطه سیله نوع بشره ، بالجمله انسانلره بر عطیه الهی ، بزموه
رحمانی اوله رق بخش واحسان اولدیغنی تمامیه ادراک ایتمدم . قرآن مجیدی -
بر منقدومعترض صفتیه - تلاوت وهر کله سنده ساعتیجه تأمل وتفکره طالبدیغمدن

بلا اختیار یوره کم تیرمه یوردی . کونلرجه بویوک اثر الهی فی المذن بر اقامازدم .
 کلام الله ، بکایکانه رفیق و موتس کیلشم و بی کنديسه جلب و جذب ایدیوردی .
 براکون [لاتهیدی من احیت ولكن الله یهدی من یشاء] آیه جلیله سته کلدیکم
 زمان غنی اولق درجه سته کلشیدم .

حقیقه اوائله قرآنی بر معترض کی اوقوزکن ، صوکره لری ، متصفاته ،
 بی طرفانه تعقیقه باشلا نیجه حرمت ، خضوع و خشوع کتدکجه آرتیوردی .
 اک صوکره بر بر مرزیه صمیمی بر ارقه داش ، حار و متفق ایکی مؤمن دوست
 اولدق . بکا اویله کلیوردی که ، حضرت قرآن ینله مکمله و مشافهه ایدیوردی .
 صوکره لری زمان جاهلیته کی ، متکبر ، متعظم کیمسه لردده بوصیممی
 دوستمه قارشو کردنداده اقیاد اولدقلرینی خاطرمه کتیرم رک ، آنلرک نه صورتله
 مسلمان اولدقلرینی ده آکلادم .

فصاحت و بلاغه ، بیان و تیاته عايد بالجملة منظوم و منشور آثار عربیه نک
 کرک اضلرینی و کرک ترجمه لرینی ده مطالعه ایتدیکنده ، رفیق شفیقک قات قات
 آنلره فائق و راجح بولندیغنی حس کوزیه ، قلب طویغوسیه طویدم .
 بواشتغال ، و محبت بی مألوف بولوندیغم بوتون عادات و اطوار ملیه مدن
 هر ذوق واکتجه دن ، غنا و رقصدن ، اویون واکتجه دن طبیعتله آلیقویمشیدی ،
 کیت کیدم بئلکمدن چقدم ، بوسبتون ، بن باشقه لاشمش و بشقه بر هویت
 و شخصیه مالک اولمشیدم .

هر کون قوای جسمانیهم . قوه روحانیه مه قارشو آزالیوردی . روحم تر
 و تازم ، آچلمش بر غنجه و شکوفه یه دونمشیدی . اوزون بر مدت ده پیغمبر محترمک
 ترجمه حالی ، مناقبی ، غزوات و فتوحاتی ، حیات سیاسی و خصوصیه سنی ، اونده
 کچیرمش اولدیغنی عالمه حیاتی ، اقوال و افعالی تتبعه قویولدم . مشار الیه
 حضرتلرینک سوزیه ، فعلی آرسته ده هیچ بر مابیت کورمدم ؛ کورمدیکم کی
 قرآن کریمده ده (ما اتانا الا بشر مثلکم) آیت کریمه سنی اوقودیغم زمان درجه تواضع
 و تزلزه حیران اولدم . بویه لکله حضرت قرآندن صوکره معنوی دیگر بر یار
 صادق بولغه موفق اولنجه سعادت معنویهم دقیقه دقیقه آرتیوردی .

بو حال سەلجە دوام ایتدی . چیتلکمدە ، یتاغمدە ، انزوا کاهمدە . بو محترم ایکی دوست دائماً بنماه برابر ایدیلر . بنی متسلی ایدوب ، بکا سعادتلری بختیارلقلری قویاً وعد ایدیورلردی . بالدفعات ذات حضرت نبوی ایله رؤیاده تشرف ایتدم ، کندیساه کورشدیم . سؤاللر مه جواب ویردیلر . حتی نه نام ایله تسمیه ایدلکلکمیده تنیب بویورورلردی .

کندیلریله هر زمان کوروشمک ایستر ، تشرف آرزوسنده بولونسیم در حال تنزل بویوروب بوتون مشکلی ، غوائل فکریه می بسط بر صورتده رفع وازاله بویورورلردی . بودرجه لطفکار ودود ، لطیف برپناه وملجأ نائل اولدیغمدن طولایی ، بنده عذاب وجدانی ، تردد قالماشیدی . بک چوق دفعه – رؤیاده – متبسمانه بروضیتله بنی حضور سعادتنه دعوت بویوران بنی ا کر مک علوتی ، صفوتی ظاهر اولدی . بن سن کوروشیورذق . حتی حضورنده متأدبانه ، اوطورهیم دیرکن ، نظر دقلرینی جلب ایتمش بولوندیغمدن « عزیزم سربست وراحت اوطور » بکا بویوردیلر . « ایسته یکر می سە صوکره نورانیتم حدغایه واره رق مسلمان اولدیغمک علناً اعلاقی مناسب کوردم و آچیقدن اسلام اولدیغمی اعلان ایلدم .

« مسلمان اولدقدن صوکره ، اسلامیتک حقایقه اصلا واقف اولین بعض متعصب ، خودبین بیادکلرمدن بکا متعدد مکتوبلر ورود ایدهرک ، اسلامیتک شهوتپرستانه بر دین اولوب ، پیغمبرک متعدد قادینلرله تأهل بویوردقلرینی اعتراض مقامنده بکا یازیورلردی . فقط تأسف ایدهرم که پیغمبرک نیچون متعدد زوجات ایله متزوج اولدیغک سینی آ کلامق ایچون فکرلرینی یورمق ایسته مه یورلردی .

« بن عین زمانده بر چوق مسلمانلرله ده کوروشمش واسلامیت حقنده کندیلرندن استیضاحاتده بولونمشیم . لکن اعتراف ایدهرم که ، آنلردن ده بکا بر فائده طوقونمیدی . انجق مجادله سز بر صورتده بکا مسلمانلغک حقایقندن صمیمی ومحترم دوستم (خواجه کمال الدین) اقدی معلومات ویره ییلیورلدی . وبکا هانکی کتابدن تتبع ایدهرجکی رفیق وملایمتله اشاره ایدهرک ، بنی کوندن کونه نورلاندیرمغه یاردم ایلورلدی .

مشارالیه حضرتلریله قرآنک آیات شریفه سیله ، احادیث صحیحہ نبویہ بی حل و تفسیر ایدیوردق . بالجه میاحاتر ، مذاکرات و مناقشاتر علم کلام و منطق دائرہ سندہ وقوع بولیوردی . بنی واضح دلیلریله اقناع ایدنجه یه قدر ملاطفت و ملایمتله سعی و غیرت ایدیوردی . بکا حددن افزون حرمت ایلیرک بنم فرنک دیارنده اسلامک آتیشی ایچون یویوک برعضو اوله جغمی برکون بکاسویله دی . کونک برنده ده بنجه محاوره ایدرکن « لورد جابلری » سکا وسم و معلوماتم بتدیکی قدر حقیقی صورتده یاردم ایتدم . یونکه برابر سن سطحی برنظرده مالک دکلین . هرشی بیلک اوکرنک ، دیدکن صوکره قلبدن قویوب کلن بر وضعیت معصومانه ایله ایکی النی - دعا ایدر بر وضعیتله - یوقاری قالدیردق « ربمکن ، اللهم کن شی شرف اسلام ایله مشرف ایتمنی تضرع ایلرم » سوزلرینده علاوه ایلشیدی که ، فی الحقیقه بنی متأثر ایتدی درحال « کندیسيله پک صیمی و حار بر صورتده مصافحه ایدوب « مسلمان اولدم » جوابنده بولوندم .

« بواتناده بنده ، خواجه نکده کوزلر مزدن علی الاتصال سویتج یاشلری طاملا یوردی . بو آغلامق مبالغه سز اوله رقی بر چاریک ساعت دوام ایتدی . اودت ، بوکوز یاشلری بنی هرلوت و آلایشن تظہیر ایتدی . سیئاتی حسنه مبدل ایلدی .

« تبعات متادیم ائسانده دیانت میجه نک - طبعی حال حاضرده پاپاسلرک الده آلت سوء و فساد اولان مسیحیتی قصد ایتیمورم . چونکه تمامیه شیمدیکی خریستیانلق بت پرستک درکسندنده اشاعی بر دین حالی اکتساب ایتیش و اینچنده صفوت و حقیقتدن هیچ برشی قانامشدر . عینله خرافی برشی تشکیل ایلشدر - نقصان بر دین اولدیغنی و دیانت اسلامیه نک مسیح دینی ایچون مکمل بر متسم و غایه اوله رقی اترال بویورلدیغنیث اییدن ایی یه فرقه واردم .

« بوندن باشقه خریستیانلرک ، فرقه و ازمدقلری حالده اخلاق اسلامیه ایله متخلق اولغه مجبور اولدقلرینده اکلادم . تعدد زوجات ایله طلاق اوروپا و امریقاد سوق طبیعتله تطبیق ایدلمکده اولدیغنی واضحاً کوردم . اسلامیتک فن و طبابت ، نظافت و طهارته صوک درجه مراعی بر دین بولوندیغنی ده تدقیقاتم نتیجه سنده اوکرندم .

بناءً علیہ معتقداتی بیاذکاریمہ تفصیلاتیہ اکلاتم و واضح ادله ایله توضیح
ایتدم .

کیم نه دیرسه دیون ، بن یوکون صاعلام براسلام ؛ یونکله ده افتخار
و مباحات ایلرم . ذاتا کیمسه نك لظفدن امید وار اولدیقم کبی ، لوم و تعریضدن ده
چکنم . بتم اسلامیم حقدده نه سویلرلرسه سویلسونلر ، شیمدیلك بو قدرله
اکتفا ایدر ، ایلروده ایجاب ایدرسه ، متعصب ، جاهل ، خرافات پرستلره
حقیقی ایضاحه چالیشه جغم . پترکه حق ، بتم معین و باورم اولسون . عرشی انک
ید موتهبنددر . والله یهدی من یشاء الی صراط مستقیم .

محترم لورد هیدله ی قارده شمزی نائل اولدینی نورانیت و شرفدن طولانی
صمیم قلبدن تبریک ایده رز . ذاتا مشارالیه سعادت ابدیه یه نائل اولشدر .
وجودلریله هر مسلمانک افتخار ایده جکی طبعیدر . اوروپاده ، یویله بر دین
قارده شه مالکیتزدن طولانی کندیمزی بختیار عد ایدر و انشاء الله همتلریله
ایلروده ده چوق منصف ذوات کرامک شرف اسلامیتی قبول ایده جکلری
مأمول ایدر و کندیلرینی تنویره چالیشان علمای بنام و فضلالی ذوی الاحترامدن
(خواجه کمال الدین) افندی بی تبریک ایلر جمله سنک سعادت و موفقیتلرینی جناب
حقدن استرحام ایده رز .

اسلام قادی

تعدد زوجات مناسبتیله

- جوابه جواب -

اسلامیتده تعدد زوجات منع اولته بیلر دییه یازدیغم مقاله یه قارشو کچن هفته
انتشار ایدن محترم «سبیل الرشاده» برلسان تجاوزله مقابله ایدیور . مثله نك روح
و حقیقته هیچ ده نفوذ ایدله مش ، صرف مغالطه و سفیسطه لر ایله کچریش اولدینی
ایچون جدا شایان تأسفدر ؛ ایسته ، بزرده بویله بدیهیاته قارشو مغالطه لر ، سفیسطه لرله
مقابله ایدیلرده اورتی یرده حقایق علمیه محو و زائل اولور کیدر .